

Driek hef wind teeg'n

Nee, ik bin nog nit zo old a'k d'r uut zee-j op de foto. Want nit alleen mien name is inkognietsnut, moar mien foto ok. Woarumme onthul ik dat noe? Nou, dat kump omdat ik ut eff'n oaver mien dogters wil hebb'n en dan kom ie vanzelluf bie ut weer uut. Snapt juule ut allemoale nog? Nee, mien dogters dee-j mot elluke dag noar skoole en iedere dag heur ik ze weer klaag'n dat ut zo kold is. Dan kiek ik is eff'n op mien draagbaare telefoontje zunder stekker en snoertie en zee-j dan dat ut vief groad'n boaven nul is! En dan denk ik: vrogger was ut pas kold, ik fietst'n op mien fietsjen noar mien eerste baas en zag dan bie de Boerenleenbanke dat ut min 17 groad'n was. Die tied da'k eerst un half uur met fietse en al teeg'n de verwarming stonne um mien zaakjen lös te wèk'n van ut zaadel. Moar ja, ik heure ze dan weer nit klaag'n oaver die verrekte wind. Foi wat ging ut hard de laatste wèk'n. En doar kunne wie dan weer nit teeg'n hèn. Wa'k de laatste wèken ah nit veurbie zag komm'n... en juule weet ut, ik oaverdrieve nit graag. Ik stonne veur ut raam te kiek'n en hup doar ging un mooje olde boom zomoar umme. En eff'n laat'r zee-j ik de kerreven van mien buurman de lugt in goan en doar noa ging de skutting de lugt in! Ik knipper nog is met mien oog'n en denke: verrek, vlög doar de heele garasie van Van Vreden oaver de Oerdiek hen? Hele veestapels woaronder mien vrouwe, tog zoon 120 kilo schoon an de haak, kwaam'n oaver de Oerdiek raakelings langs mien huus vlieg'n. Ik dagge: loat mien vrouwe moar waaj'n, doar kom ik dan mooi makkeluk vanaf. En toen kreeg ik in ene keer in zet in mien ziej-e. Driek blief is still ligg'n. Ik zegge teeg'n heur: dat geet nit, 't is de wind! En metenig wa'k kloar wakker en ik denke: sjit, ut monster lig nog noast mie, ik hebbe ut allemoale e-dreumd. En noe mo'k juule iets errug pesoonluks veklappen: nit vedder vetellen – 't is nog ah sjenant - moar ik hep reegelmatus last van broekhoest, veural a'k bruune boon'n, kruutmoes of zuurkool hep e-gèt'n. Egt de dèkens goat un meet'r de lugt in. Afijn, hier zal ik ut vedder bie loat'n, ie zult moar net zitt'n te èt'n. En noe heurd'n ik in ut joernaal dat ze alle wind'n un name goat gev'n: Zo he'k e-heurd dat Ciara, Dennis en Ellen ah bint langus e-west. En ik hebbe heur'n fluuster'n det de volgende misgien weh Driek geet heet'n. Nit vedder vetell'n moar jullie kent ut geheim waar de naame vandan kump. Ik zegge tabee en hol' de beide poot'n an de grond!

Driek van de Oerdiek